



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«15» օգոստոս 2023թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ԻՐԱՎԱՔԱՆԱԿԱՆ ՎԱՐՉՈՒԹՅՈՒՆ

ԱՐՁԱՆԱԳՐՈՒԹՅՈՒՆ ԹԻՎ 345-2023/02-Ա

Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վարչական իրավախախտման գործի վերաբերյալ

ՀՀ պետական եկամուտների կոմիտեի իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Աննա Պետրոսյանս, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, Վարչական իրավախախտումների վերաբերյալ ՀՀ օրենսգրքի 254-255-րդ հոդվածներով, կազմեցի սույն արձանագրությունը հետևյալի մասին.

Արմեն Գևորգյանը /ՀԾՀ՝ 1812810725, նույն. քարտ՝ 004183877, տրված՝ 04.03.2015թ. 004-ի կողմից, հասցե՝ ք. Երևան, Կենտրոն, Անտառային փ., 190 շենք, 19 բն./ հանդիսանում է «ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ ՔՆՍԱԼԹԻՆԳ» ՍՊ ընկերության /ՀՎՀՀ՝ 00475302, պետ. գրանցման համար՝ 278.110.997483, հասցե՝ ք. Երևան, Կենտրոն, Մաշտոցի պ., 37 շենք, էլ. հասցե՝ artincntng@gmail.com/ տնօրենը:

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 12.07.2022թ-ի թիվ ԱՀ 73409 հանձնարարագրի հիման վրա 13.07.2022թ-ի թիվ 73409 որոշմամբ արգելանք է կիրառվել «ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ ՔՆՍԱԼԹԻՆԳ» ՍՊ ընկերության /ՀՎՀՀ՝ 00475302/ բանկային հաշիվներում առկա դրամական միջոցների վրա 2.551.105 դրամ գումարի չափով: Բանկային հաշիվներում առկա դրամական միջոցների բացակայության հիմքով 07.09.2022թ-ի թիվ 73409/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 2.551.105 դրամ գումարի չափով, իսկ 01.12.2022թ-ի թիվ 73409/2 որոշմամբ՝ ընկերությանը պատկանող այլ գույքի վրա՝ 2.551.105 ՀՀ դրամ գումարի չափով:

Ղեկավարվելով ՀՀ հարկային օրենսգրքի 434-րդ հոդվածի 2-րդ մասով, «ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ ՔՆՍԱԼԹԻՆԳ» ՍՊ ընկերության /ՀՎՀՀ՝ 00475302/ դրամարկղում առկա կանխիկ դրամական միջոցների գույքագրման, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով հարկ վճարողի գույքի վրա արգելանք դնող պաշտոնատար անձի կողմից փոստային ծառայության միջոցով «ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ ՔՆՍԱԼԹԻՆԳ» ՍՊ ընկերության /ՀՎՀՀ՝ 00475302/ տնօրեն Արմեն Գևորգյանին 06.12.2022թ-ին ուղարկվել է գրություն, ըստ որի առաջարկվել է գրությունը ստանալուց հետո եռօրյա ժամկետում, իսկ եթե գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա հաջորդող առաջին աշխատանքային օրը ներկայանալ հարկային մարմին՝ ընկերության դրամարկղային գրքով /առկայության դեպքում/ ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով: Միաժամանակ, նույն գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

«ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ ՔՆՍԱԼԹԻՆԳ» ՍՊ ընկերության /ՀՎՀՀ՝ 00475302/ տնօրեն Արմեն Գևորգյանին 06.12.2022թ-ին ուղարկված գրությունը փոստային ծառայությունից հետո է վերադարձվել 17.12.2022թ-ին «Չի պահանջվել» նշագրմամբ: Գրությունը 04.05.2023թ-ին ուղարկվել է կազմակերպության էլեկտրոնային փոստի «artincntng@gmail.com» հասցեին, որը Արմեն Գևորգյանի կողմից ստացվել է 05.05.2023թ-ին, սակայն վերջինս չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Համաձայն «Հարկատու 3» ԷԿՀ-ի տվյալների՝ «ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ ՔՆՍԱԼԹԻՆԳ» ՍՊ ընկերությունը /ՀՎՀՀ՝ 00475302/ 21.12.2017թ-ին ստացել է թիվ 2737/1 դրամարկղային գիրքը:

Նկատի ունենալով, որ Արմեն Գևորգյանի վերը նկարագրված արարքը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածին, ուստի 30.06.2023թ-ին ՀՀ պետական եկամուտների կոմիտեում հարուցվել է վարչական վարույթ, համաձայն որի Արմեն Գևորգյանին փոստային ծառայության միջոցով 30.06.2023թ-ին ուղարկված ծանուցագրով վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու համար նշանակված օրը՝ 06.07.2023թ-ին ծանուցագիրը ստանալու փաստը բացակայել է, ուստի՝ հարուցված վարչական վարույթը ՀՀ ՊԵԿ նախագահի տեղակալի կողմից 06.07.2023թ-ին կայացված թիվ 345-2023/02-Կ որոշմամբ կասեցվել է, իսկ 30.06.2023թ-ին ուղարկված ծանուցագիրը փոստային ծառայությունից հետ է վերադարձվել 13.07.2023թ-ին «Տեղափոխված» նշագրմամբ:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 15.08.2023թ-ին ժամը 11:00-ին, ինչպես նաև վարչական իրավախախտման վերաբերյալ գործի քննությանը 17.08.2023թ-ին ժամը 10:30-ին մասնակցելու համար 26.07.2023թ-ին կազմված ծանուցագիրը 28.07.2023թ-ին Արմեն Գևորգյանին ուղարկվել է էլեկտրոնային փոստի «artincntng@gmail.com» հասցեին, որի միջոցով վերջինիս ծանուցվել է 29.07.2023թ-ին:

Չնայած այն հանգամանքին, որ 26.07.2023թ-ի ծանուցագրով Արմեն Գևորգյանը 29.07.2023թ-ին պատշաճ կերպով ծանուցվել է վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու համար սույն թվականի օգոստոսի 15-ին ժամը 11:00-ին ՀՀ պետական եկամուտների կոմիտեի իրավաբանական վարչություն ք. Երևան, Սասունցի Դավթի 87 Ա հասցե ներկայանալու մասին, այդուհանդերձ չի ներկայացրել որևէ բացատրություն, ուստի սույն արձանագրությունը կազմվել է վերջինիս բացակայությամբ:

Արձանագրությունը կազմեց՝
ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի գլխավոր մասնագետ


Աննա Պետրոսյան

Իրավախախտում կատարած անձ՝
«ԱՐՄ-ՅՈՒԷՅԻ ՄԵՆԵՋՄԵՆԹ ԸՆԴ. ՔՆՍԱԼԹԻՆԳ» ՍՊ
ընկերության /ՀՎՀՀ՝ 00475302/ տնօրեն

Արմեն Գևորգյան

Ստացա մեկ օրինակը

ընդամենը — էջ

*Սույն արձանագրության 2-րդ էջի դարձերեսին ներկայացվում են Վարչական իրավախախտումների վերաբերյալ ՀՀ օրենսգրքի 267-րդ հոդվածով նախատեսված՝ վարչական պատասխանատվության ենթարկվող անձի իրավունքներն ու պարտականությունները

*Վարչական իրավախախտումների վերաբերյալ ՀՀ օրենսգրքի 267-րդ հոդված

Վարչական պատասխանատվության ենթարկվող անձի իրավունքներն ու պարտականությունները

Վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

